



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU STRANKE ZA BOSNU I HERCEGOVINU

Broj: 03-07-6-667/08  
Sarajevo, 21. aprila 2009. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	6
5.1. NALAZI .....	6
5.2. PREPORUKE .....	9

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja Stranke za Bosnu i Hercegovinu za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Stranka za Bosnu i Hercegovinu je prekršila odredbe člana 8. stav (1) Zakona o finansiranju političkih stranaka.**
- 2. Stranka je prekršila odredbe člana 11. stav (1) i (3) Zakona o finansiranju političkih stranaka.**
- 3. Stranka za Bosnu i Hercegovinu je prekršila odredbe člana 15.10 Izbornog zakona BiH.**

**Na osnovu našeg pregleda, odnosno kontrole finansijskog izvještaja, osim gornje napomene pod 1., 2. i 3., nismo zapazili ništa značajno što bi ukazalo na druge nedostatke u izvještaju ili finansiranju ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Stranke za Bosnu i Hercegovinu za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja («Službeni glasnik BiH» broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka za Bosnu i Hercegovinu je iskazala prihode u iznosu od 2.840.144,87 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk.prih. %
1	Članarina	13.492,62	0,48%
2	Prilozi fizičkih lica	14.824,58	0,52%
3	Prilozi pravnih lica	71.318,91	2,51%
4	Prihodi od imovine	411,10	0,01%
5	Prihodi od pr.lica	222,00	0,01%
6	Prihodi od poklona	4.205,92	0,15%
7	Prihodi iz budžeta	2.735.669,74	96,32%
	Ostali prihodi		0,00%
	<b>Ukupni prihodi:</b>	<b>2.840.144,87</b>	<b>100,00%</b>

U godišnjem finansijskom izvještaju Stranka za Bosnu i Hercegovinu je iskazala ukupne rashode u iznosu 2.466.446,52 KM.

## 2. PREDSTAVLJANJE POLITIČKE STRANKE

Naziv političke stranke: Stranka za Bosnu i Hercegovinu. Skraćeni naziv stranke je SBiH.

Politička stranka je registrovana 25.04.1996. godine u Višem sudu u Sarajevu, broj upisa R-I-2/96.

Sjedište političke stranke je u Sarajevu, ulica Maršala Tita 9a.

Lice ovlašteno za zastupanje stranke je Haris Silajdžić, predsjednik.

Lice ovlašteno za podnošenje finansijskih izvještaja za 2007. godinu je Munib Lojo.

Prema podacima iz godišnjeg finansijskog izvještaja za 2007. godinu, organizacionu strukturu<sup>1</sup> Stranke za Bosnu i Hercegovinu čine:

- Centrala SBiH,
- Klub poslanika SBiH,
- 9 kantonalnih vijeća SBiH,
- 65 općinskih/opštinskih savjeta i 1 gradski odbor SBiH,
- Žene Stranke za Bosnu i Hercegovinu Sarajevo, Žene i Mladi SBiH Bihać.

<sup>1</sup> Prema podacima iz dodatne dokumentacije, organizacionu strukturu čini 85 odbora Stranke za Bosnu i Hercegovinu.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Stranke za Bosnu i Hercegovinu za 2007. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je Stranka za Bosnu i Hercegovinu u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Stranke za Bosnu i Hercegovinu obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i prihode iz budžeta.

### **4. PRETHODNE KONTROLE I REVIZIJE**

U prethodnom periodu Služba za reviziju je obavila reviziju finansijskih izvještaja Stranke za Bosnu i Hercegovinu za 2004. godinu (godišnji finansijski izvještaj i postizborni – Izbori 2004.) i pregled godišnjeg finansijskog izvještaja za 2005. godinu, i izdala Izvještaj o reviziji, odnosno Izvještaj o pregledu.

Takođe, obavljena je revizija godišnjeg finansijskog izvještaja za 2006. godinu i postizbornog finansijskog izvještaja - Izbori 2006. Stranke za Bosnu i Hercegovinu i izdat Izvještaj o reviziji sa mišljenjem, nalazima i preporukama da stranka treba da postupa u skladu sa odredbama člana 4. stav (2), člana 6., člana 8. stav (1) i člana 11. stav (3) Zakona o finansiranju političkih stranaka.

Izvještaj o reviziji je stranci dostavljen nakon što je politička stranka Centralnoj izbornoj komisiji BiH podnijela godišnji finansijski izvještaj za 2007. godinu.

#### **Nerealizovane preporuke**

Na osnovu uočenih nedostataka u Godišnjem finansijskom izvještaju za 2007. godinu, utvrđeno je da politička stranka nije ispoštovala sve preporuke koje su date u navedenim izvještajima. Obrasci finansijskog izvještaja za 2007. godinu nisu popunjeni u skladu sa Pravilnikom o godišnjim finansijskim izvještajima političkih stranaka. Stranka za Bosnu i Hercegovinu i dalje koristi prostorije opštinskih organa uprave, što je u suprotno odredbi člana 8. stav (1) Zakona o finansiranju političkih stranaka.

## 5. NALAZI I PREPORUKE

### 5.1. NALAZI

**a) Na osnovu obavljene revizije utvrđeno je da je Stranka za Bosnu i Hercegovinu prekršila odredbe člana 8. stav (1) Zakona o finansiranju političkih stranaka.<sup>2</sup>**

- Na osnovu dostavljene dodatne dokumentacije, utvrđeno je sljedeće:
  - Kantonalno vijeće SBiH Sarajevo je u periodu od januara do oktobra 2007. godine koristilo prostorije Općine Stari grad Sarajevo bez plaćanja zakupnine, koja je prema ugovoru o zakupu poslovnih prostorija iznosila 24.471,72 KM.<sup>3</sup>
  - Opštinski savjeti Stranke za Bosnu i Hercegovinu Breza, Gračanica, Ilijaš, Jajce, Lukavac, Sanski Most, Visoko, Bihać, Centar, Novi grad Sarajevo, Hadžići, Kalesija i Živinice su koristili prostorije opštinskih organa uprave bez naknade. Takođe je utvrđeno da je Stranka za Bosnu i Hercegovinu koristila prostorije Općine Ilidža bez plaćanja zakupnine. Stranka, takođe, nije imala obavezu da plaća ni troškove električne energije, vode i grijanja.<sup>4</sup>
  - Centrala Stranke za Bosnu i Hercegovinu koristi prostorije Federacije Bosne i Hercegovine u Sarajevu, u ulici Titova 9a, bez naknade. Takođe je utvrđeno da SBiH nije sklopila Ugovor o korištenju poslovnih prostorija sa Službom za zajedničke poslove organa i tijela Federacije Bosne i Hercegovine.<sup>5</sup> Troškovi zakupa poslovnih prostorija nisu evidentirani u poslovnim knjigama i nisu iskazani na obrascima troškova godišnjeg finansijskog izvještaja za 2007. godinu.

Stranka za Bosnu i Hercegovinu je korištenjem poslovnih prostorija koje su u vlasništvu entiteta i opština, bez plaćanja naknade, prekršila odredbe člana 8. stav (1) Zakona o finansiranju političkih stranaka.

- Opštinski savjet SBiH Maglaj je, na osnovu ugovora<sup>6</sup> koji je sklopljen sa Službom za zapošljavanje Zeničko-Dobojskog Kantona i Jedinicom za implementaciju projekata socio-ekonomske podrške, obuke i prezapošljavanja, primio sredstva od Federalnog ministarstva rada i socijalne politike u iznosu 1.500,00 KM. Stranka za Bosnu i Hercegovinu, odnosno njen Opštinski savjet Maglaj je ova sredstva iskazao na obrascu priloga pravnih lica godišnjeg finansijskog izvještaja (obrazac 3-b). Primajući ova sredstva Stranka za Bosnu i Hercegovinu je postupila suprotno odredbama člana 8. stav (1) Zakona o finansiranju političkih stranaka.
- Na obrascu priloga pravnih lica Žene Stranke za Bosnu i Hercegovinu su iskazale priloge koje su primile od Federalnog zavoda za zapošljavanja JU Sarajevo u iznosu od 450,00 KM, Zavoda zdravstvenog osiguranja Kantona Sarajevo u iznosu od 1.000,00 KM i Sindikalne organizacija JKP Pokop Sarajevo u iznosu od 2.000,00 KM, što ukupno iznosi 3.450,00 KM. Primajući sredstva od institucija i neprofitne organizacija, Stranka za Bosnu i Hercegovinu je prekršila odredbe člana 8. stav (1) Zakona o finansiranju političkih stranaka.

<sup>2</sup> Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

<sup>3</sup> Ugovor o zakupu poslovnih prostorija broj: 01-05-389-0496/05 od 27.05.2005. godine. Od 01.10. 2007. godine stranka ima obavezu da plaća zakupninu Općini Stari Grad Sarajevo.

<sup>4</sup> Odluka Općinskog vijeća Ilidža broj: 01-02-308/07-6 od 22.02.2007. godine.

<sup>5</sup> Dopis Službe za zajedničke poslove organa i tijela Federacije Bosne i Hercegovine broj: 01-23-2259/08 od 15.08.2008. godine.

<sup>6</sup> Ugovor br. CK04/152-06 o sufinansiranju zapošljavanja.

**b) Stranka je prekršila odredbe člana 11. stav (1) i (3) Zakona o finansiranju političkih stranaka.<sup>7</sup>**

Na osnovu obavljene kontrole godišnjeg finansijskog izvještaja Stranke za Bosnu i Hercegovinu za 2007. godinu, utvrđeno je da stranka nije popunila obrasce u skladu sa Pravilnikom o godišnjim finansijskim izvještajima političkih stranaka («Službeni glasnik BiH» broj 61/06).

- Stranka za Bosnu i Hercegovinu, odnosno njeni organizacioni dijelovi OS Orašje, KV Orašje, OO Novi Travnik i OS Srebrenica, su svoje prihode i rashode iskazali na obrascima godišnjeg finansijskog izvještaja koji su sastavni dio Pravilnika o godišnjim finansijskim izvještajima političkih stranaka («Službeni glasnik BiH» broj 10/04), a koji je stavljen van snage donošenjem Pravilnika o godišnjim finansijskim izvještajima političkih stranaka («Službeni glasnik BiH» broj 61/06).
- Centrala Stranke za Bosnu i Hercegovinu je u toku godine iz Budžeta Bosne i Hercegovine primila sredstva na ime dijela primanja četiri poslanika Stranke za Bosnu i Hercegovinu u Parlamentarnoj Skupštini Bosne i Hercegovine u iznosu od 4.000,00 KM. Imajući u vidu da se u skladu sa članom 19. Pravilnika o godišnjim finansijskim izvještajima političkih stranaka u obrazac 3-f (prihodi iz budžeta) unose samo prihodi u skladu sa članom 3. stav (1) tačka d) i članom 10. Zakona o finansiranju političkih stranaka, stranka je ova sredstva u godišnjem finansijskom izvještaju trebala iskazati na obrascu priloga fizičkih lica (obrazac 3-a), a ne na obrascu prihoda iz budžeta.
- Obrasci priloga fizičkih lica nisu popunjeni u skladu sa članom 14. Pravilnika o godišnjim finansijskim izvještajima političkih stranaka jer na obrascima pojedinih odbora stranke nisu iskazani jedinstveni matični brojevi donatora i ime i prezime donatora. Na obrascima sljedećih odbora nisu navedeni jedinstveni matični brojevi donatora: Žene SBiH, KV SBiH Zenica, OS SBiH Zenica, OS SBiH Žepče, KV SBiH USK Bihać i OO SBiH Srebrenik. Takođe, Vijeće SBiH Brčko Distrikt je na obrascu priloga fizičkih lica (obrazac 3-a) iskazalo prilog u iznosu od 777,00 KM, a da nije navedeno ime i prezime i jedinstveni matični broj donatora.
- Stranka je u obrascu prihoda od imovine iskazala i sredstva primljena iz Budžeta Opštine Čelić u ukupnom iznosu od 3.973,53 KM, čime je prekršila odredbe člana 16. Pravilnika o godišnjim finansijskim izvještajima političkih stranaka.
- Na obrascima godišnjeg finansijskog izvještaja za 2007. godinu kao donatori Stranke za Bosnu i Hercegovinu su navedeni organizacioni odbori ove stranke, što je suprotno odredbi člana 13. stav (5) Pravilnika o godišnjim finansijskim izvještajima političkih stranaka.<sup>8</sup> Iz tog razloga, Stranka za Bosnu i Hercegovinu je priloge pravnih lica iskazala za 59.260,00 KM veće od ostvarenih. Na obrascima priloga pravnih lica iskazana su sredstva koja su organizacioni odbori prenosili drugim organizacionom odborima unutar političke stranke. Sljedeći odbori Stranke za Bosnu i Hercegovinu su u obrascu priloga pravnih lica iskazali sredstva koja su primili od drugih odbora Stranke za Bosnu i Hercegovinu: OS Trnovo u iznosu od 8.000,00 KM, OS Bihać u iznosu od 700,00 KM, SBiH Brčko u iznosu od 1.860,00 KM, OS Donji Vakuf u iznosu od 17.200,00 KM, OO Žepče u iznosu od 300,00 KM, OS Novo Sarajevo u iznosu od 12.300,00

<sup>7</sup> Politička stranka je obavezna da Centralnoj izbornoj komisiji BiH podnosi finansijske izvještaje na obrascima koje je odobrila Centralna izborna komisija BiH, a čiji su sadržaj i forma propisani Pravilnikom o godišnjim finansijskim izvještajima političkih stranaka.

<sup>8</sup> Sredstva koja jedan organizacioni dio stranke prenosi drugom organizacionom dijelu se ne smatraju prihodom stranke i kao takva se ne iskazuju u godišnjem finansijskom izvještaju.

KM, OO Teočak u iznosu od 400,00 KM, OS Ilidža u iznosu od 8.000,00 KM, i KV USK Bihać u iznosu od 2.500,00 KM.

Pored navedenog, u prilogu uz obrazac 3 je iskazano da je OS SBiH Hadžići primio priloge pravnih lica u iznosu od 8.000,00 KM. Na osnovu dokumentacije koju je Stranka za Bosnu i Hercegovinu dostavila, utvrđeno je da je OS SBiH Hadžići primio sredstva od Kantonalnog vijeća SBiH Sarajevo, što takođe nije u skladu sa odredbom člana 13. stav (5) Pravilnika o godišnjim finansijskim izvještajima političkih stranaka.

- Pored navedenog, stranka je na obrascima nenovčanih priloga iskazala i prihode po osnovu kamata po transakcijskom računu.
- Stranka za Bosnu i Hercegovinu je na obrascu priloga pravnih lica iskazala prilog JU Dom kulture „Edhem Mulabdić“ Maglaj u iznosu od 1.426,00 KM. Na osnovu dokumentacije koja je dostavljena, utvrđeno je da je prihod evidentiran na osnovu potvrde<sup>9</sup> koju je izdala ova ustanova, te da stranka nije primila prilog ovog pravnog lica. S obzirom da OS SBiH Maglaj nije primio prilog, ova sredstva nisu trebala biti iskazana na obrascu priloga.

Iz svega navedenog je utvrđeno da Stranka za Bosnu i Hercegovinu nije pravilno popunila obrazac ukupnih prihoda, odnosno da nije tačno iskazala ukupne prihode, čime je prekršila odredbu člana 13. Pravilnika o godišnjim finansijskim izvještajima političkih stranaka.

- Uvidom u ugovore o zakupu poslovnih prostorija koje je Stranka za Bosnu i Hercegovinu dostavila Centralnoj izbornoj komisiji BiH utvrđeno je da u godišnjem finansijskom izvještaju za 2007. godinu nisu iskazani troškovi zakupa za pojedine organizacione dijelove stranke i to: troškovi zakupnine za prostorije u kojima je smješteno Kantonalno vijeće SBiH Goražde u iznosu od 1.620,00 KM, OS BiH Banja Luka u iznosu od 4.800,00 KM i OS SBiH Prijedor u iznosu od 1.650,00 KM<sup>10</sup>.

U godišnjem finansijskom izvještaju nisu iskazani troškovi zakupnine za poslovne prostorije koje je koristilo KV SBiH Sarajevo i obaveze po osnovu zakupnine prema Općini Stari grad Sarajevo u iznosu od 8.157,24 KM. Na osnovu navedenog utvrđeno je da stranka nije vodila adekvatne evidencije o svojim rashodima, što je suprotno odredbi člana 11. stav (1) Zakona o finansiranju političkih stranaka.

- Uvidom u obrasce troškova utvrđeno je da su pojedini organizacioni dijelovi Stranke za Bosnu i Hercegovinu iskazali i troškove po osnovu prenosa sredstava drugim organizacionim dijelovima. Samim tim, ni ukupni rashodi Stranke za Bosnu i Hercegovinu nisu tačno iskazani, tj. stranka nije pravilno popunila obrazac rashoda godišnjeg finansijskog izvještaja, čime je prekršila odredbe člana 20. Pravilnika o godišnjim finansijskim izvještajima političkih stranaka.
- Stranka za Bosnu i Hercegovinu nije popunila obrazac pozajmica, kredita i dugova u skladu sa odredbama člana 23. Pravilnika o godišnjim finansijskim izvještajima političkih stranaka. Uvidom u bruto bilans Centrale SBiH utvrđeno je da je na dan 31.12.2007. godine ovaj organizacioni dio imao obaveze prema dobavljačima u ukupnom iznosu od 53.873,81 KM<sup>11</sup>, što nije iskazano na obrascu 5 godišnjeg finansijskog izvještaja. Takođe je kontrolom utvrđeno da Stranka za Bosnu i Hercegovinu, odnosno njen Opštinski savjet Maglaj, nije u obrascu pozajmica, kredita i dugova iskazala ni obaveze prema dobavljaču JU Dom kulture „Edhem Mulabdić“ Maglaj u iznosu od 479,35 KM. Uvidom u

<sup>9</sup> Potvrda o izmirenim obavezama.

<sup>10</sup> Ugovor o zakupu od 22.11.2006. godine sklopljen za period od 01.12.2006. godine do 01.12.2007. godine.

<sup>11</sup> Potražni saldo kartice dobavljača iznosi 53.873,81 KM, dugovni saldo 11.886,85 KM.



bruto bilans OS SBiH Maglaj uvrđeno je da je ovaj odbor na dan 31.12.2007. godine imao sljedeće obaveze: obaveze prema dobavljačima u iznosu od 786,98 KM, obaveze po osnovu bruto plata u iznosu od 1.584,53 KM i ostale obaveze u iznosu od 4.576,35 KM, što ukupno iznosi 6.947,86 KM. Dakle, OS SBiH Maglaj nije u godišnjem finansijskom izvještaju iskazao obaveze u ukupnom iznosu od 7.427,21 KM.

Stranka nije pravilno iskazala ni podatke o obavezama na dan 31.12.2007. godine Opštinskog savjeta SBiH Donji Vakuf. Uvidom u analitičke kartice, utvrđeno je da je ovaj organizacioni odbor imao obaveze prema dobavljačima u iznosu od 281,37 KM i obaveze po osnovu plata i doprinosa na plate u ukupnom iznosu od 910,51 KM.<sup>12</sup>

### **Troškovi predizborne kampanje**

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>13</sup> po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Stranka za Bosnu i Hercegovinu je učestvovala na:

- Prijevremenim izborima za Načelnika Općine Novo Sarajevo i u svrhu izborne kampanje je mogla da potroši 14.461,20 KM,
  - Prijevremenim izborima za Načelnika Opštine Zvornik i u svrhu izborne kampanje je mogao da potroši 18.897,30 KM, i
  - Prijevremenim izborima za Načelnika Općine Donji Vakuf i u svrhu izborne kampanje je mogao da potroši 3.288,00 KM,
- što ukupno iznosi 36.646,50 KM.

Stranka za Bosnu i Hercegovinu, odnosno organizacioni dijelovi Novo Sarajevo, Zvornik i Donji Vakuf su na obrascima troškova propagande iskazali troškova kampanje u ukupnom iznosu od 23.255,57 KM. Uvidom u obrazac 4-2 (troškovi propagande) OS SBiH Donji Vakuf, utvrđeno je da je ovaj odbor u svrhu predizborne kampanje na Prijevremenim izborima za Načelnika Općine Donji Vakuf potrošio 12.616,50 KM, dok je u svrhu izborne kampanje mogao da potroši 3.288,00 KM, čime su prekršene odredbe člana 15.10 Izbornog zakona BiH.

## **5.2. PREPORUKE**

*Preporučuje se Stranci za Bosnu i Hercegovinu da se pridržava odredbi Zakona o finansiranju političkih stranaka i Izbornog zakona BiH, a posebno na osnovu uočenih nedostataka se preporučuje:*

- *da postupa u skladu sa odredbama člana 8. stav (1) i člana 11. stav (1) i (3) Zakona o finansiranju političkih stranaka i člana 15.10 Izbornog zakona BiH, i to:*
  - *da ne prima priloge koji su zabranjeni ovim Zakonom,*
  - *da vodi evidencije o svojim prihodima i rashodima,*
  - *da finansijske izvještaje koje podnosi Centralnoj izornoj komisiji BiH sačinjava u formi propisanoj Pravilnikom o godišnjim finansijskim izvještajima, i*
  - *da u svrhu predizborne kampanje troši sredstva u zakonom dozvoljenom iznosu.*

<sup>12</sup> Na analitičkim karticama dobavljača dugovni saldo iznosi 898,51 KM, a potražni saldo iznosi 281,37 KM. Dugovni saldo obaveza za PIO je iznosio 95,79 KM, dok je potražni saldo obaveza za plate i doprinose iznosio 91,51 KM.

<sup>13</sup> Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

## **KOMENTAR**

U ostavljenom roku, Stranka za Bosnu i Hercegovinu se nije očitovala na Preliminarni izvještaj o pregledu godišnjeg finansijskog izvještaja za 2007. godinu.

Hasida Gušić, šef Službe za reviziju

Sanja Čabrilo, revizor